

Cofnodion Cyfarfod 10fed o Fedi 2013 a gynhaliwyd yn y Neuadd Goffa, Y Felinheli am 7 yn yr hwyr.

YN BRESENNOL

Ken Brown	Bethan Jones
Lena Ashley	Hywel V Jones
Pat Jones	Iestyn Harris
Siân Gwenllian	Louise Hughes
Daniel Williams	Nerys John
Wynne Barton Swyddog Ariannol	

1.0 SYLWADAU AGORIADOL AC ADRODDIAD Y CADEIRYDD

- 1.1 Croesawyd yr aelodau i gyfarfod mis Medi, cyflwynwyd Mrs Glen Bevan i'r cyfarfod drwy estyn croeso iddo. Eglurodd y Cadeirydd y rheswm dros ymweliad Mrs Bevan a'r Cyngor a gofynnwyd iddi annerch y cyngor.
- 1.2 Eglurodd Mrs Bevan bod pob cenedl gofeb yn Fflandrys i goffau'r milwyr a laddwyd yn y Rhyfel Mawr. Bydd 100 mlynedd ers dechrau Rhyfel Byd Cyntaf Awst 2014 a dymuniad pobl Fflandrys oedd cyflwyno cofeb i'r Cymry. Dywedodd bod llywodraeth Gwlad Belg wedi rhoi Tir ac arian ynglŷn â chynnal y tir a'r gofeb, felly roedd angen codi arian ar gyfer codi'r gofeb sef y ddraig goch ar gromlech.
- 1.3 Dywedodd bod hanner yr arian wedi ei godi a bod yr hanner arall yn weddill; gobeithir bydd Llywodraeth Cymru yn rhoi rhan o'r arian. Roedd pob Cyngor Tref a Chymuned wedi derbyn cais ar gyfer cyfrannu. I ddyddiad doedd dim llawr o gynghorau wedi rhoi arian ond o'r rhai oedd wedi anfon arian roedd y swm oddeutu £100 - £200 yn dibynnu ar faint y cyngor.
- 1.4 Trafodwyd y mater a chytunwyd byddai cyfraniad Cyngor y Felinheli yn £200.

Ymddiheuriadau Siân Gwenllian, George Smith

2.0 DATGAN DIDDORDEB

- 2.1 Dim

3.0 COFNODION

- 3.1 Cyflwynwyd Cofnodion 16 Gorffennaf 2012.

Cynigwyd ac eiliwyd bod y cofnodion yn gywir ac arwyddwyd y cofnodion.

4.0 MATERION YN CODI

- 4.1 Golau Stryd Cerrig yr Afon - cyflwynodd y Clerc eglurhad bod yr amcan bris a dderbyniwyd ym mis Chwefror bellach yn hen ac wedi mynd allan o ddyddiad; oherwydd hyn roedd wedi gofyn am un newydd oddi wrth Golau Stryd Cyngor Gwynedd. Anfonodd yr Adran Golau Stryd fanylion am Olau Stryd Solar wahanol i'r cyntaf a gyflwynwyd oherwydd roedd y math yma gyda llai o risg oddi wrth ladron, hynny yw nid oedd y panel solar yn uned ar ben ei hun ond yn rhan o'r golofn. Roedd yr Adran yn ofn byddai'r math cyntaf yn denu sylw lladron gan ei fod mewn lle anghysbell. Roedd amcan bris y golau yma yn 5,199.15.
- 4.2 Trafodwyd y mater a phenderfynwyd bod y Cyngor yn cynnig £2,000 yn unig fel cyfraniad/grant er bod yr amcan bris yma yn fwy na'r gwreiddiol.

Y Clerc i gysylltu â Cerrig yr Afon gydag eglurhad a chysylltu â'r Adran Goleuo Stryd ynglŷn â chostau cynnal y golau.

- 4.3 Menter Fachwen - cafwyd eglurhad gan y Cadeirydd am y gost o £426 fel y nodwyd yng nghofnodion y mis blaenorol, o'r pris hwn £76 oedd cost ymdrin â'r lafant. Roedd y Cadeirydd wedi gwneud cais ar gyfer cael gwirfoddolwyr i wneud gwaith ar safle Moriah yn enwedig i ymdrin a'r lafant. Roedd y Cynghorydd Daniel Williams a Sarah Riley yn barod i helpu.
- 4.4 Adran Gofal Strydoedd Cyngor Gwynedd - dywedodd y Clerc bod yr adran hon yn edrych i mewn i godi biniau sbwriel newydd i rai sydd wedi ei difrodi ac yn cyfathrebu gydag Adain Meysydd Chwarae Plant ynglŷn â mainc Glan y Môr.
- 4.5 Adran Parcio Cyngor Gwynedd - mae adran yn edrych i mewn i statws a pherchnogaeth y safleoedd parcio ar Glan y Môr.
- 4.6 Cerdded a Darganfod - Mae cyfarfod wedi ei drefnu yn y Felin Sgwrsio ar ddydd Gwener olaf y mis am 10:30 i drafod codi pwyllgor i'r fenter a fyddai yn gwneud ceisiadau am gymorth ariannol. Bydd y cyfarfod gyda Gareth Roberts o Menter Fachwen.

5.0 ADRODDIAD PWYLLGOR RHEOLI'R NEUADD

- 5.1 Dywedodd Cadeirydd y Pwyllgor nad oedd gyda mwy o wybodaeth ynglŷn â'r mater Larwm Tân ond ei fod mewn cysylltiad â'r pensaer.
- 5.2 Nid oedd y Pwyllgor wedi cyfarfod hyd yma ond bydd yn gwneud yn fuan.
- 5.3 Gofynnodd Cadeirydd y Cyngor os byddai'r pwyllgor yn trafod codi plac i goffau adnewyddu ac ailagor y neuadd.
- 5.4 I ddyddiad roedd £5163 yng nghyfrif y neuadd.

6.0 CADARNHAU GWARIANT MIS BLAENOROL A'R ADRODDIAD ARIANNOL.

- 6.1 Cadarnhawyd gwariant Mis Gorffennaf a mis Awst.

- 6.2 Dywedodd y Swyddog Ariannol bod yr Archwiliad Ariannol Allanol wedi ei gwblhau ynghyd a'r Archwiliad Atodol. Roedd rhai materion wedi codi sef nid oedd enw'r Cyngor wedi ei nodi, nid oedd benthyciadau wedi ei nodi ac nid oedd polisi asesiad risg ariannol y Cyngor wedi ei fabwysiadu yn ystod cyfnod 2011 - 2012 y Cyngor.
- 6.3 Eglurodd y Swyddog Ariannol bod newid wedi bod yn bersonél y Cyngor ac oherwydd hyn roedd mater o'r polisi wedi codi, er hynny cyfeiriodd bod y polisi wedi ei fabwysiadu ym mis Ebrill/Mai 2013. Bydd y mater hwn yn derbyn sylw yng nghyfarfod mis Mai yn flynyddol o hyn ymlaen.
- 6.4 Nid oedd yr uchod yn effeithio'r archwiliad, nid oedd angen nodi benthyciadau oherwydd nid oedd gan y Cyngor Fenthyciadau, roedd asesiadau a gwerth y cyngor wedi ei nodi yn Llawlyfr y Cyngor.
- 6.5 Roedd y Cyngor yn derbyn Adroddiad yr Archwilwyr Allanol ac yn cymeradwyo'r datganiad; Arwyddwyd yr archwiliad i nodi hynny gan y Cadeirydd Ken Brown.
- 6.6 Diolchodd y Cyngor i'r Swyddog Ariannol am ei waith trylwyr.

7.0 GOHEBIAETH

- 7.1 Cyngor Gwynedd Economi a Chymuned/Cronfeydd Cist Gwynedd - grant o £50 i gael i ar gyfer sefydlu presenoldeb y we fyd-eang. Mae'r cyngor eisoes ar y we ac felly ddim yn gallu cymryd mantais o hyn.
- 7.2 D. H Williams 69 Hen Gei Llechi Y Felinheli - Llwybr rhwng Garddfon a Hen Gei Llechi. Cafwyd trafodaeth ar y mater a gofynnwyd i'r Clerc ddod o hyd i berchennog y llwybr er mwyn anfon y llythyr ymlaen iddynt.
- 7.3 Adran Rheoleiddio Cyngor Gwynedd – Cyfyngiad Aros Stryd Fawr y Felinheli – y mater heb dderbyn gwrthwynebiad ac felly bydd y gorchymyn yn cael ei gadarnhau.

8.0 ADRODDIAD IS-BWYLLGOR COFEB Y CLOC

- 8.1 Cafwyd Adroddiad ar y cloc gan y Cynghorydd Daniel Williams. Dywedodd ei fod wedi cael ymweliad safle gyda'r Cynghorydd Ken Brown a'r saer maen Martin Jones. Roedd y Saer Maen o'r farn bod angen pointio top y cloc, roedd y pointio gwreiddiol wedi llacio gan adael dŵr i mewn. Roedd y pointio wedi ei wneud a mortar sment yn lle mortar calch a bod dirgrynu oherwydd y traffig wedi gwaethygu'r sefyllfa. Tybia'r Saer Maen y byddai yn cymryd penwythnos o waith i'w gwblhau a bod angen sgaffald. Byddai hefyd yn fuddiol i ddigennu wyneb y cerrig a pointio y cloc cyfan.
- 8.2 Cafwyd trafodaeth ynglŷn â fydda'n bosib gwneud y gwaith cyn Sul y Cofio.
- 8.3 Penderfynwyd gwneud y gwaith ar ôl Sul y Cofio.

- 8.4 Gofynnodd y Cadeirydd os byddai'r Clerc yn cysylltu â'r Deon Bro i drafod gwasanaeth Sul y Cofio ac i edrych os oes modd i'r Heddlu drwy Orchymyn gau'r ffordd am ychydig o funudau adeg gwasanaeth Sul y Cofio.

9.0 CEISIADAU CYNLLUNIO

- 9.1 C13/0834/20/LL – Codi balcony ar gefn yr eiddo 35 Hen Gei Llechi, Y Felinheli, LL56 4PB – Dim Gwrthwynebiad.
- 9.2 C13/0702/20/LL - Codi ty tri llawr - tir ger Oaklands, Penybryn, Y Felinheli, Gwynedd, LL56 4YQ - Dim Gwrthwynebiad ond concern byddai codi ty yn gallu codi problemau gyda dŵr.
- 9.3 C13/0845/20/LL - cadw defnydd rhan o is-lawr adeilad presennol fel storfa/torri a phacio cig ynghyd a chodi estyniad unllawr ar flaen yr adeilad - Pant Erys Beach Road, Y Felinheli, Gwynedd LL56 4RQ - Dim Gwrthwynebiad ond cadarnhau statws y safle.
- 9.4 C13/0886/20/LL – Gwaith ail-wampio gan gynnwys ail gladio adeilad presennol – Dinas Point Y Felinheli, LL56 64RX. – Dim Gwrthwynebiad.

10.0 ADRODDIAD IS-BWYLLGOR Y FYNWENT

- 10.1 Cafwyd trafodaeth ynglyn a chwyn ar lafar oedd wedi dod i law ynglyn a chyflwr y fynwent cyn i'r gwaith gael ei dorri yn yr Haf.

Penderfynwyd y byddai gwirfoddolwyr y Cyngor yn glanhau'r cerrig beddi ar ddau achlysur, wedi'r toriad cyntaf a'r olaf.

- 10.2 Cyflwynwyd geiriad y rheol newydd ynglyn a defnyddio peiriannau unigolion i dorri'r gwair. Roedd pawb yn gytûn ar y rheol.

Y Clerc i roddi copi newydd o'r rheolau newydd ar yr hysbysfwrdd yn y fynwent ac i ddod a sylw i'r rheol newydd yn y wasg.

- 10.3 Trafodwyd sut y byddai'r cyngor yn gallu coffau'r Cyn Gyngorydd Pat White. Penderfynwyd codi mainc o fewn y fynwent.

11.0 ADRODDIAD IS-BWYLLGOR MAES PARCIO, LON LAS A SAFLE MORIAH

- 11.1 Roedd problem atal mynediad wedi bodoli unwaith yn rhagor o fewn y Maes Parcio.

Y Clerc i gynnwys y lon fynedfa ar y rhybudd.

12.0 ADRODDIAD IS-BWYLLGOR LLWYBRAU, CYSGODFANNAU A MEINCIAU

- 12.1 **Llwybr Rowen** - rhoddodd y Clerc adroddiad o'r gost a fyddai angen i ran isaf y llwybr cyn fyddai o fewn y safon i'w fabwysiadu. Byddai cost o £7,000 ar

gyfer creu stepiau a chanllaw, er mwyn codi'r safon i alluogi'r anabl byddai'r gost oddeutu£ 14 - £21 mil.

Penderfynwyd y byddai'r Clerc yn anfon at Adran Llwybrau Cyngor Gwynedd i wneud cais am i'r rhan ddechreuol gael ei fabwysiadu yn y lle cyntaf.

13.0 CYNGHORODD SIR

13.1 Nid oedd y Cyngorydd Sir yn bresennol.

14.0 UNRHYW FATER ARALL

14.1 Cynigwyd bod y Cyngor yn llythyru Rhiannon Jones ar lwyddiant y fenter Felin Gylchu.

Daeth y cyfarfod i ben oddeutu 9:45 yn yr hwyr.

Llofnod: Dyddiad:.....